

Carta na seicwanom Pablo na m'aⁿ nn'aⁿ Filipos

Xmaⁿndye nn'aⁿ na cwila'yu' tsjoom Filipos

¹ Maja Pablo ñequio Timoteo cwiluiindyô nn'aⁿ na cwindye'ntjomtyeⁿ nnom Jesucristo, cwilaljeiyyâ cartawaañe, cwilacwanooⁿyâ juuna' na m'aⁿ 'o na cwila'yu'yo' tsjoom Filipos na cwila'jomndyo' ñ'eⁿ Cristo Jesús, ñequiondyo' 'o na cwijndo'yo' ts'iaaⁿ 'naaⁿ Ty'oots'om ñequio 'o na cwindye'ntjom'yo' ndaaⁿ tmaaⁿ nn'aⁿ na macwji' Ty'oots'om cwentaaⁿaⁿ. ² Nquii Tsotyaaya Ty'oots'om ñequio Ta Jesucristo quiana na candañaⁿya nnto'ñoom'yo' naya na la'xmaⁿna ñequio juu na tjaa ñomtiuu c'oom ts'aⁿ jo ndaaⁿna.

Macaⁿ Pablo cwentaa nn'aⁿ na cwila'yu'

³ Cwii cwii ndii' na macjaañjoom' ts'ooⁿya 'o, nnom Ty'oots'omya, mañeiquiaya na quianl'uaaⁿaⁿ cantyja 'naⁿyo'. ⁴ Quia na matseinaⁿya nnoom, ñequio na neiⁿya macaⁿa na cateijneiⁿ 'o na cha'tsondyo'. ⁵ Ee cantyjati xuee najndyee hasta xjeⁿ je'cheⁿ, ñecwii cwila'jomndyoⁿ naquii' ts'iaaⁿ na cwiñequiaayâ ñ'oom naya 'naaⁿ Ty'oots'om. ⁶ Ee ntyijiyyaya na juu ts'iaaⁿ nayawaañe na toⁿ Ty'oots'om naquii' n'om'yo', ñe'cwii tco nnts'aaⁿ na nncjaacandañaⁿ hasta xjeⁿ na nncwjee'nnda' Jesucristo. ⁷ Maxjen maty'iomyana' na luaaⁿ m'aⁿ ts'ooⁿya cantyja 'naaⁿ cha'tsondyoⁿ ee na jeeⁿ jnda ntyijiyya 'o na cwila'jomndyoⁿ ñ'eⁿndyⁿ naya na matseixmaⁿ Ty'oots'om, meiiⁿ

na m'aaⁿya w'aancjo oo meiiⁿ na meiⁿntyja^a'a jo ndaq^a naⁿmaⁿn'iiaⁿ na mawañⁿ'a ñ'oom naya 'naaⁿ'aⁿ oo na mañeiquiaya ñ'oom ndaq^a nn'aⁿ cantyja na macwji'n'maaⁿñê nn'aⁿ. ⁸ Ee man-tyijiijndaaⁿ Ty'oots'om na jeeⁿ jnda ntyijiya 'o nc'e juu na m'aaⁿ Jesucristo na jeeⁿ can-dya' ts'oom 'o cha'xjeⁿ na jeeⁿ wi' ts'om yuscu jnaaⁿ na 'ndaañe. ⁹ Macaⁿ'a nnom Ty'oots'om na nnc'om'ti'yo' na jnda nquiu'yo' nc'iaa'yo', ñequio na jndo^a'ti n'om'yo' ndo' na nla'noⁿti'yo' cha'tso, ¹⁰ cha nndaq^a nntjei'yo' cwenta cwaanⁿ cwii nnom na xcweti tseixmaⁿna'. Ee na ljo' nndaa nnc'om lju'ndyo' na cwitsam'an'ti'yo' quii'ntaaⁿ nn'aⁿ, meiⁿ ticalaxmaⁿyo' nn'aⁿ na cwila'tjoondye jo nnom Cristo xuee quia na nncwjee'nnaaⁿ'aⁿ, ¹¹ ndo' na luua', nleil'uee'ñe Jesucristo joo na jnd^a jla'jomndyo' ñ'eⁿñê na nntseijomna' joona' cha'cwijom cwii ntjom na cwiwe' na cantyja 'naaⁿ joona' nntseit'maaⁿñena' Ty'oots'om.

Yochēn na wa'ndō'a nndi'tjō'ya nnom Cristo

¹² 'O nn'aⁿya na cwila'yu'yo', l'ue ts'ooⁿ na cala'noⁿyo' na joo nawi'meiⁿ na matjoⁿya, mayuu'cheⁿ cwiteijndeina' na 'oonndye nn'aⁿ ñ'oom naya na macwji'n'maaⁿñe Ty'oots'om nn'aⁿ. ¹³ Ee cha'tso nn'aⁿ na m'aⁿ wats'iaaⁿ ñequio nt'omcheⁿ nn'aⁿ, manquiuyana na m'aaⁿya w'aancjo nc'e na majontyjoya cantyja 'naaⁿ' Cristo. ¹⁴ Ndo' majndyetti nn'aⁿ na cwila'yu' na cwinty'iaana na m'aaⁿya prāso, cwin'omt'maaⁿndyena n'omna na ti'maaⁿ n'omna cwilaneiⁿna ñ'oom' Ty'oots'om ñequio na cwicantyjaⁿ n'omna Ta Jesús.

15 Ñ'oom na mayuu' na cwantindye joona cwilaneiⁿna ñ'oom'ñeeⁿ na t̄aq' n'omna ja ndo' ñequio na ñe'cwinom'na ja, s̄aq nt'omcheⁿ ñequio na xcwee' n'om cwil'ana ts'iaaⁿñeeⁿ. **16** S̄aq nt'omndyena cwiñequiana ñ'oom'ñeeⁿ na ñequiil'chen m'aaⁿ! n'omna cantyja 'naaⁿnquieena, tixcwee' n'omna ee cwila'tiuuna na cwil'ana na ljo', cha nnchjeetina' ja na m'aaⁿya pr̄aso, **17** s̄aq nt'omndyena cwiñequiana ñ'oom'm ee na jnda nquiuna ja. Ee cwila'noⁿyana na ty'iom Ty'oqts'om tis'aaⁿ ja na nncwintyjaa^a jo ndaa^a naⁿmaⁿl'iaaⁿ tsjoomwaañe. S'aaⁿ na ljo' ee l'ue ts'oom na nncwji'yuu'ndyo ñ'oom naya 'naaⁿaⁿ ndaa^ana. **18** S̄aq meiiⁿ na lcaa' waa tjaan na coch'eena' ja, ee meiiⁿ na xcwee' n'omna oo na aa tixcwee' n'omna na cwiñequiana ñ'oom cantyja 'naaⁿ! Cristo, m'aaⁿya na neiⁿya na ljo'!

Ndo' nnc'ooⁿtyaya na neiⁿya, **19** ee ntyjiya na cha'tso nmeiiⁿ nntseijndaa'ñena' na nndyaandyo w'aancjo nc'e na cwilaneiⁿyo' nnom Ty'oqts'om cantyja 'naaⁿya ndo' na mateijndeii nquii Espíritu na cwiluiñe Jesucristo ja. **20** Ee ntyjaal'ya cwii ts'ooⁿ na tixonquiaa Ty'oqts'om na nnts'aa cwii na cantyja 'naaⁿ jo' nlui'jnaaⁿndyo, xeⁿ nchii ñequio na t'maⁿya ts'ooⁿ nnnda^a nntseina^a ndaa^a cha'tsondye nn'aⁿ ndo' na maje' ndo' 'iocha lcaa' nleitquoo' cantyja 'naaⁿya na tjacantyja na t'maⁿ cwiluiñe Cristo, meiiⁿ na nncwando'tya oo meiiⁿ na nntseicuee'tona' ja. **21** Ee cantyja 'naaⁿya, meiiⁿ xeⁿ nncwando'a, maxjeⁿ nnom Cristo nndi'ntjoⁿya, ndo' xeⁿ nla'cuee'na ja, majo' t'manti naya 'naaⁿya. **22** S̄aq xeⁿ na aa nncwando'tya nnnda^a nnts'aaty^a ts'iaaⁿ 'naaⁿ! Ta Jesús, jo' chii ticaljeii

cwaaⁿ cwii na we joo nmei^{n!} na nncwjii^{'ndyo}.
 23 Ee quii'ntaaⁿ we nmei^{n!}, jeeⁿ jndeい'na' cwaanⁿ
 cwii na nncwjii^{'ndyo} nayati, ee xeⁿ nnc'iq^o nncjoⁿ
 na m'aaⁿ Cristo, na juu jo' jndati tseixmaⁿna'
 cantyja 'naⁿya, 24 saa^q cantyja 'naa^{n!} cwiichenⁿ lcaaⁿ
 macaⁿna' na nncwando^{'tya} cha cateijndeiina^{'o}.
 25 Ndo' na mantyjiiyaya na ljo', matseiⁿo^{n!}a na
 nnc'oⁿtya cantyja 'naa^{n!}yo' cha nnteijndeiina^{'o} na
 nntsatsatiⁿyo' cantyja 'naa^{n!} Cristo ndo' na t'manti
 nñequiaanaⁿ na nei^{n!}yo' na cwilayuⁿya n'omⁿyo' ñ'eⁿ
 jom. 26 Jo' chii na nnc'ooⁿnndaⁿa quii'ntaa^{n!}yo'
 cha juu na nei^{n!}yo' na cwiliuindyo' cwentaaⁿ
 Jesucristo, nleit'mantinaⁿ.

27 Luua que^{n!}yo' cwenta: juu cantyja na
 cwitsam'a^{n!}yo', cjoo' n'omⁿyo' na matseijomna'
 juunaⁿ ñequio ñ'oom naya cantyja 'naa^{n!}
 Cristo, quia jo' meiiⁿ na nncjoⁿ nnty'ia 'o oo
 meiiⁿ na aa ti'cjo, nndaa^q nndiiya ñ'oom na
 cwiljoo^{'ndyo}'tye^{n!}yo' na ñe'cwii n'omⁿyo' na
 cwilaⁿjndaa^{n!}yo' na cha'tsondyo' cantyja 'naa^{n!}
 ñ'oom na cwilaⁿyuuⁿa na la'xmaaⁿya nc'e juu
 ñ'oom na macwjiiⁿmaaⁿñe Ty'ooots'om nn'aⁿ,
 28 na meiⁿcwii tintseicatyⁿuen^{n!}o ljo' na nl'a nn'aⁿ
 na jndoonaⁿ 'o. Na nl'aⁿyo' na ljo', nntseixmaⁿna'
 cwii 'naaⁿ ndaa^q joona na nntsuundyena, saa^q
 cantyja 'naa^{n!}yo' tseixmaⁿna' cwii 'naaⁿ na
 nñequiaa Ty'ooots'om na nluiⁿmaaⁿndyo'. 29 Ee
 nchii ñequii'cheⁿ cwicandaⁿyo' na cwilaⁿyuuⁿyo'
 ñ'eⁿ Cristo, saa^q mati na lco'wi'na' 'o cantyja
 'naaⁿaⁿ. 30 'O ndo' mati ja mañe'cwii waa na
 cwilaⁿjndaa^qya. 'O jndaa^q nty'ia'ndaa^qyo' chiuu waa
 na seijndoya ndo' je' macwindyeⁿyo' na ndicwaⁿ
 matseiⁿndo.

2

*T'maⁿ tjuñecje Cristo mati t'maⁿ matseit'maaⁿ!ñe
Ty'qots'om jom*

¹ Jo' chii xeⁿ mañequiaana' na t'maⁿ n'om'yo' na la'xmaⁿyo' cwentaa' Cristo, xeⁿ mañequiaana' na t'maⁿ n'om'yo' na m'aaⁿ na candya' ts'oom 'o, xeⁿ m'aaⁿ Espíritu quii' n'om'yo', ndo' xeⁿ m'aⁿyo' na wi' n'om'yo' nt'omcheⁿ, ² quia jo' quia'yo' na candaq^a'ya na neiⁿya na cha'tsondyo' c'om'yo' na ñe'cwii ñ'oom 'o, na ñe'cwii c'om'yo' na jnda nquiu'yo' ntyjee'yo', na ñe'cwii na m'aaⁿ n'om'yo' ndo' ñe'cwii ts'iaaⁿ cwil'a'yo'.

³ Meiⁿcwii til'a'yo' na watoⁿ m'aⁿyo' meiⁿ nchii na cwilas'andyo' cwilalcundyo'. Ñequii'cheⁿ cal'a'yo' na cwitue'ndyo'cje'yo'. Cwii cwiindyo' cwji' cagenta na t'maⁿti cwiluiñe x'iaa' nchiiti nquii.

⁴ Meiⁿcwiindyo' 'o tinc'oom' ts'om na ñe'tomti chiuu waa na wjaawinom nquii. Mati c'oom' n'om'yo' chiuu nnteijndeina' nc'iaa'yo'.

⁵ Cwii cwiindyo' ñe'cwii c'oom' n'om'yo' cha'xjeⁿ tyom'aaⁿ ts'om Cristo Jesú^s, ⁶ ee jom:

Meiiⁿ na ñe'cwii ts'oom ñ'eⁿ Ty'qots'om,
saq^a ticatseijneiⁿ na ñecwii xjeⁿ cwiluiñe ñ'eⁿñe Jom.

⁷ Tjei'ndyo^{qoñe} cheⁿnqueⁿ cantyja na matseixmaaⁿ, ndo' t'oom cha'na cwii moso, tuiiñe cha'xjeⁿ jaa nn'aⁿ.

⁸ Ndo' na t'oomñe cha'na jaa nmeiiⁿ, tjucjeñe cheⁿnqueⁿ, ndo' na seicandaq^a'ñe, jo' na tueeⁿeⁿ, cwii na seijnaaⁿna' na tueeⁿeⁿ cjoo' ts'oom'naaⁿ.

⁹ Ndo' nc'e na ljo', jo' chii t'maⁿ matseit'maaⁿ'ñe Ty'oots'om jom.

Ndo' mati tqueⁿ na jndati tseixmaⁿ xueⁿ'eⁿ, nchiiti xuee' meiⁿquia ts'aⁿ,

¹⁰ cha cantyja 'naaⁿ xuee' Jesús cha'tso joo na m'aⁿ cañoom'luee cata'na cantyena, ndo' mati joo na m'aⁿ tsjoomnancue ñequio cha'tso joo na m'aⁿ tsjoom l'oo,

¹¹ ndo' cha'tsondyena catjei'yuu'ndyena na cwiluiiñe Jesucristo na catsa'ntjoom na cantyja 'naaⁿ jo' nntseit'maaⁿ'ñena' Tsotyaaya Ty'oots'om.

Laxmaa'ya cha'cwijom chom na cwiwixuee ndaa nn'aⁿ tsjoomnancue

¹² Jo' chii 'o nn'aⁿya na jeen' jnda ntyjiyi, quia ñet'ooⁿya ñ'eⁿndyo', jla'canda^a'ndyo' chiuu ñetsjoo^aya ndaa^a'yo', majndeiiicheⁿ je' na tic'ooⁿndyo ñ'eⁿndyo' cala'canda^a'yo'. Cantyja na cwitsam'aⁿ'yo' ñequio na xcwee' n'om'yo' cat'moⁿ'yo' na cwiluiindyo' nn'aⁿ na macwji'n'maaⁿ'ñe Ty'oots'om, ¹³ ee manquiityeeⁿ mach'eeⁿ na l'ue n'om'yo' na nl'a'yo' yuu na ya ndo' mateijneiⁿ 'o na nla'canda^a'yo' yuu na l'ue ts'oom.

¹⁴ Cha'tso na cwila'a'yo', tila'ncjoo'ndyo' meiⁿ ticalañ'een' ndyue'yo' ñequio nc'iaa'yo' na cwila'yu' ¹⁵ cha tjaa 'ñeeⁿ juu nljeii na nntso waa na cwila'tjoondyo'. Cala'xmaⁿ'yo' ntseinda Ty'oots'om na lju' m'aⁿ'yo' quii'ntaaⁿ nn'aⁿ natia laxmaⁿ na quieⁿ n'om. Jo ndaq naⁿ'ñeeⁿ cala'xmaⁿ'yo' cha'cwijom cancjuu na cwiwixuee jo nnom tsjomnancuee na jaaⁿ'ñe, ¹⁶ yocheⁿ na

cwitsañ'om'yo' ñ'oom naya jo ndaq̃a nn'aⁿ na mañequaana' na cwita'ndo' añmaaⁿna. Ndo' na ljo' quia na nncwjee'nnda' Cristo, nndaq̃a nnc'ooⁿ na neiⁿya cantyja 'naⁿ'yo', na matseinoⁿyana' na ticwe' ts'iaaⁿndyo ñes'aaya ts'iaaⁿ quii'ntaaⁿ'yo'.

¹⁷ Ndo' meiiⁿ xeⁿ na aa nntseicuee'na' ja cha'cwijom quioo' na cwila'cuee' nn'aⁿ na cwila't'maaⁿndyena Ty'oots'om cha na nntseicandaq̃a'ñena' na cwiñequia'yo' nnoom nc'e na cwilayu'ya n'om'yo' ñ'eññê maxjeⁿ m'aaⁿya na neiⁿya ndo' matseineiiⁿndyo ñequio cha'tsondyo'. ¹⁸ Mati c'om'yo' na neiⁿ'yo' ndo' calajomndyo' ñ'eñndyo na m'aaⁿya na neiⁿya.

Cantyja 'naaⁿ' Timoteo ñequio Epafroditu

¹⁹ Macantyjaa' ts'oⁿya jo nnom Ta Jesús na tyuaa' njñqoⁿya Timoteo na m'aⁿ'yo' cha quia na nndyolcweeⁿleⁿ nndiiya chiuu waa na m'aⁿ'yo'.

²⁰ Ee fiенqueⁿ m'aaⁿ ts'oom cantyja 'naⁿ'yo' cha'xjeⁿ ja lcaa na jaawa jaacue na m'aaⁿ ts'ooⁿ chiuu ya nntejndeina' 'o, ²¹ ee cha'tso nt'omcheⁿ nn'aⁿ macanda m'aaⁿ n'omna cantyja 'naaⁿ na cwila'jndaa'ndye nquieena nchii chiuu waa na l'ue ts'om Jesucristo. ²² Saq̃a 'o nquiu'ya'yo' chiuu wjaam'aaⁿ Timoteo ndo' chiuu waa na tyondi'ntjoom n'eñndyo, teijneiⁿ ja cha'cwijom mach'ee jnda ts'aⁿ ñequio tsotye. ²³ Jo' chii tyuaa'ti na nljeiya chiuu nntseijndaa'ñena' ñ'oom na maleiñ'oom ja, quia jo' njñqoⁿya jom na m'aⁿ'yo', ²⁴ saq̃a mati quit'maⁿ ts'oⁿ Nqui na matsaⁿntjom ja na tyuaa' nncjo candoo'a 'o.

²⁵ Saq̃a maquaⁿ cwenta na macaⁿna' na catseicwanqⁿlcwa^a ti'nn'aⁿya Epafroditu, jom

na matseijomñē ts'iaaⁿ na mats'aa ndo' tseimaaⁿ sondaro cwentaa' Ta Jesús, jom na jñom'yo' na m'aaⁿya na cwiteijnde'i'yo' ja 'naⁿ na macaⁿna' ja. ²⁶ Jeeⁿ l'ue ts'oom na nnty'iaa'nnaaⁿ'aⁿ cha'tsondyo' 'o ee matsei'ndaa'na' ntyjeeⁿ na jnda jndye'yo' na ñeteiweeⁿ'eⁿ. ²⁷ Ee ñ'oom na mayuu' naljo' tjoom hasta mawaa xjeⁿ na ntseicuee'na' jom saq ty'oom Ty'oots'om na wi' ts'om jom, ndo' nchii macandaⁿ jom, mati ja, titseicwaljoo'tina' na chjoo' ts'ooⁿ. ²⁸ Jo' chii matyuaa'ti majñooⁿya jom na m'aⁿyo' cha na nñequiaana' na neiⁿ'yo' na nnty'ia'nnda'yo' jom ndo' cha tic'ooⁿya na chjoo' ts'ooⁿ. ²⁹ Ñequio na neiⁿ'yo' cato'ñoom'nnda'yo' jom cha'na cwii ts'aⁿ na matseijomñē ñ'eⁿ Ta Jesús ndo' ñequii'chen' cala't'maaⁿ'ndyo' nn'aⁿ na laxmaⁿ cha'na jom. ³⁰ Ee mawaa mawaaxjeⁿ na nntseicuee'na' jom na mandi'ntjoom nnom Cristo. Tju'teincuu'ñena' jom na mateijneiⁿ ja ts'iaaⁿ na leicandaⁿ nl'a' ncjo'yo'!

3

Cwii na mayuu'cheⁿ na jndana'

¹ Ndo' je' je' 'o nn'aⁿya na cwila'yu'yo', quiaana' na neiⁿ'yo' na cwiluiindyo' cwentaa' Ta Jesús. Ticjomeintyjaq'a na nntsjoonnda'a ñ'oom na jnda seiljeiya ndaq'yo' ndo' mateijndeii'a' 'o. ² Cal'andyo' cwenta cantyja 'naaⁿ naⁿm'aⁿ na cha'cwijom calue' joona natia na cwil'ana na cwityjena seii' ts'aⁿ, ³ ee jaa laxmaaⁿya nn'aⁿ na mayuu'cheⁿ tuii 'naaⁿ, jaa na cwila't'maaⁿ'ndyo Ty'oots'om nc'e Espíritu Santo, na m'aaⁿya na neiiⁿya na laxmaaⁿya cantyja 'naaⁿ Cristo Jesús

meiⁿ ticanstyja'a' n'oqⁿya 'naaⁿ na tuii seii' ts'aⁿ.
 4 Cartyja 'naⁿ ja luala, wanaaⁿ na nntseicantyja'a' ts'oqⁿ cha'na ts'iaaⁿwaa'. Xeⁿ aa m'aaⁿ ts'aⁿ na matseitiuu wanaaⁿ na matseicantyja'a' ts'om ts'iaaⁿmeiⁿ, majndeiticheⁿ ja, 5 jnd^q ñeeⁿ xuee na tuiindyo tuii 'naaⁿ tjaanⁿya. Ts'aⁿ tsjaanⁿ nn'aⁿ Israel ja, tmaaⁿ cwentaa' Benjamín, ts'aⁿ hebreo ja ndo' tsoty^q tsondyo mann'aⁿ hebreos joona. Cartyja 'naaⁿ ljeii na tqueⁿ Moisés, ts'aⁿ tmaaⁿ fariseo ja. 6 Cartyja na tyojoo' ts'oqⁿ naquii' ñ'oom cwilein'om nn'aⁿ judíos, tyontyjoya tmaaⁿ nn'aⁿ na macwji' Ty'oots'om cwentaaⁿaⁿ. Cartyja 'naaⁿ na matseicanda^qñe ts'aⁿ jo nnom ljeii na tqueⁿ Moisés, tjaanⁿ ñeeⁿ juu na nnda^q m'moⁿ na tyootseicanda^qndyo jo nnom juuna'. 7 Sa^q cha'tso nmeiⁿ na tandyo xuee tjeii'a cwenta na tjacantyja na jnda laxmaⁿna', je' nc'e na m'aaⁿya cantyja 'naaⁿ Cristo macwjii'a cwenta na cwe' ts'iaaⁿndyo laxmaⁿna', 8 ndo' nchii macanda^q luala', tjaanⁿ cwiichenⁿ na jnda ntyjiya quia na macwjii'a cwenta na tjacantyja naya tseixmaⁿna' na cwiluiindyo cwentaa' Cristo Jesús na cwiluiiñe na matsa^qntjoom ja. Nc'e jom, cha'tso na ñetjeii'a cwenta na jnda laxmaⁿna', je' macwjaaⁿndyo cwenta na laxmaⁿna' cha'cwijom to' cha nnda^q nntseixmaⁿya cwentaaⁿaⁿ, 9 ndo' na nleitquoo' na matseitjoom'na' ja cantyja 'naaⁿaⁿ. Nchii mal'uaya na matseixmaⁿya ts'aⁿ na tjaanⁿ nc'e matseicanda^qndyo ljeii na tqueⁿ Moisés sa^q nc'e na matseiyu'ya ts'oqⁿ ñ'eⁿ Cristo. 10 Ñe'catseiljeii'ndyo cantyja 'naaⁿ Cristo ndo' na nntseixmaⁿya juu najndeii na matseixmaⁿ

Ty'oots'om na s'aa na tando'xcoom, ndo' na nntseijomndyo ñequio joo nawi' na teinoom ndo' na nntseixma^{nya} cha'xjeⁿ na seixmaaⁿ xjeⁿ na tuee^{n'e}, ¹¹ ee na ntyjaal ts'ooⁿ na ñ'aⁿ quia na nnta'ndo'xco nn'aⁿ na jnda tja.

Cala'jndaaya cha nntantjoo^rya

¹² Nchii ñe'catsjoo na jnda matseixma^{nya} cha'tso nmei^{n'} meiⁿ nchii na canda^{a'} matseixma^{nya} saa^a matseijndo^yya ts'ooⁿ na macantyjaal ts'ooⁿ na ntseixma^{nya} joona' nc'e nquii Cristo tjei'jñeeⁿ ja. ¹³ 'O nn'aⁿya na cwila'y^u'yo', nchii matsjoo^yya na matseixma^{nya} juuna', saa^a luala mats'aa, cwitsuu'yaya ts'ooⁿ ljo' ñeseixma^{nya} jaach'ee xuee ndo' matseijndo^yaya na nncua^lntyjoya juu na waa jo nn^ooⁿ, ¹⁴ cha nncuacañ^ooⁿya yuu na jnda t'moⁿ Ty'oots'om nooⁿ ndo' na nnto'ñ^ooⁿya naya na nñequiaa nqueⁿ na ma'maaⁿ jaa cantyja 'naa^{n'} Cristo Jes^{ús}.

¹⁵ Cha'tsondyo jaa na laxmaa^{nya} na canda^{a'} cwila'y^u'ya n'ooⁿya matsona' na laa'ti' c'oom' n'ooⁿya. Ndo' xeⁿ waa cwiicheⁿ nnom na m'aan^{n'} n'om'y^o' cantyja 'naa^{n'} ñ'oomwaa', nntseijndo['] Ty'oots'om n'om'y^o' cantyja 'naa^{n'}na'. ¹⁶ Saa^a ñ'oom na mayuu'cheⁿ, macaⁿna' na tjoom' c'ooⁿya cantyja 'naa^{n'} ñ'oom na jnda to'ñ^ooⁿya.

¹⁷ 'O nn'aⁿya na cwila'y^u'yo', cala'ljeii'ndyo' cha'xjeⁿ na mats'aa. Ndo' mati queⁿ'yo' cwenta cwaanⁿ nc'iaa'y^o' na cwila'ljeii'ndye cha'xjeⁿ na cwil'aayâ, caluui'ndyo' joona. ¹⁸ Jndye ndii' jnda^a ñetsjoo^yya nda^aq'y^o', ndo' ñequio na mat'i^ooya matsjooⁿnda'a, jndye nn'aⁿ m'aⁿ

na jndoo ñ'oom cantyja 'naa^{n!} na tue' Cristo nacjoo' ts'oom'naaⁿ, ¹⁹ saq̄ na macandā maxjeⁿ nntsuundyena. Ñequii'cheⁿ cwila't'maa^{n!}ndyena juu na l'ue n'om seiina. Matsona' na c'omna na jnaaⁿna cantyja 'naa^{n!}na' saq̄ juu na matsona' na c'omna na jnaaⁿna, cwitjei's'andyena cantyja 'naa^{n!}na'. ²⁰ Saq̄ jaa nmeiiⁿ la'xmaaⁿya cantyja 'naa^{n!} cañoom'luee, juu jo' tseixmaaⁿna' tsjoomya, ndo' cwimeiⁿndo'nty'iaandyo na jo' jo' nnaⁿ nquii na macwji'n'maaⁿñe jaa, juu Jesucristo. ²¹ Jom nntseichueeⁿleⁿ seii'a na jeeⁿ cje tseixmaaⁿna' na nntseijomna' joona' cha'na seii^{n!}en na xocwi'ndaa' na matseixmaaⁿ jndā na wando'xcoom. Nnts'aaⁿ na ljo' nc'e najndeii na tseixmaaⁿ na nlqueeⁿ xjeⁿ cha'tso na niom.

4

C'ooⁿ na neiiⁿya na m'aaⁿya ñ'eⁿ Ta Jesús

¹ Jo' chii 'o nn'aⁿya na cwila'yu'yo' na jeeⁿ wi' ts'ooⁿya, ndo' na jeeⁿ ñe'canty'iaya, 'o na jeeⁿ jnda ntyjiiya, jeeⁿ neiⁿya cantyja 'naa^{n!}yo', na cwilui-indyo' cwii na tantjoⁿya, tyeⁿ caljoo'ndyo' cantyja 'naa^{n!} Ta Jesús.

² Maca^{n!}a nnom Evodia ndo' mati nnom Síntique, nc'e na cwiluiindyena ntyjelcuna na cwila'yu' ñ'eⁿ Ta Jesús, caljoyaandyena ñ'eⁿ ntyjeena.

³ Ndo' 'u ti'x'iaaya na tjoom' ñel'aaya ts'iaa^{n!}'naa^{n!} Ty'oots'om, maca^{n!}a na cateijndei' yolcum'a^{n!}, ee tyolajomndyena ñ'eⁿndyo na tjoom' tyoñequiaaya ñ'oom na macwji'n'maaⁿñê nn'aⁿ, mandiñ'eⁿ Clemente ñequio nt'omndye joona na ñel'ana ts'iaa^{n!} ñ'eⁿndyo na jndā teiljeii ncueena naquii'

libro na chuuna' ncuee nn'aⁿ na laxmaⁿ na ticanycwii na cwita'ndo'.

4 Ñequii'cheⁿ c'om'yo['] na neiⁿ'yo['] na laxmaⁿ'yo['] cwentaa' Ta Jesús. Matsjoonnda'a: C'om'yo['] na neiⁿ'yo[']. **5** Cal'aⁿ'yo['] na cha'tsondye nn'aⁿ nnta'jnaaⁿ'na na 'o la'xmarⁿ'yo['] nn'aⁿ na yann'aⁿndyo'. Jndā teindyoo' na nncwjee'nnda' Ta Jesús.

6 Meiⁿljo'cheⁿ na cwiwinom'yo['], tiñequiandyo' na nntseiñ'eeⁿñena' 'o. Quia na cwilaneiⁿ'yo['] nnom Ty'oots'om, cha'tso jo' cataⁿ'yo['] nnoom ndo' ñequio na quianl'uaaⁿ'aⁿ. **7** Na nl'aⁿ'yo['] na ljo['] nñequiaaⁿ na tjaa ñomtiuu c'om'yo['] jo nnoom na juu jo['] t'mati tseixmaⁿ'na['] nchiiti na nndaq^a nntsei'ñqⁿ' ts'aⁿ, ndo' juuna' nnts'aana' cwentaⁿ'om'yo['] ñequio joo ñomtiuu na m'aⁿ'yo['] ee na matseitjoom'na['] 'o ñ'eⁿ Cristo Jesús.

C'oom' n'om'yo['] cha'tso na ya la'xmaⁿ'na[']

8 Ñ'oom na macandā 'o nn'aⁿya na cwila'yu'yo['], c'oom'ya n'om'yo['] cha'tso na cwiluiñena' na mayuu', cha'tso na matseit'maaⁿñena' cwiicheⁿ ts'aⁿ, cha'tso na maty'iomyana', cha'tso na lju['] tseixmaⁿ'na['], cha'tso na cjaawee['] nquiu nn'aⁿ, cha'tso na waa ñ'oom ya cantyja 'naaⁿ'na[']. Meiⁿquia na ya laxmaⁿ'na['] ndo' na matseixmaⁿ'na['] na nntseiwendyena['] ts'aⁿ, cha'tso nmeiⁿ c'oom'ya n'om'yo['] cantyja 'naaⁿ'na['].

9 Cha'tso na jndā ñet'mooⁿya ndaq^a'yo['] ñequio joo na jndā ñenty'ia'yo['] na ñes'aa, na jndā ñejndye'yo['] na ñeseina^an, ñequii'cheⁿ jo['] cal'aⁿ'yo['], quia jo['] nquii Ty'oots'om na mach'eeⁿ na cwiljoya ts'oome ñ'eⁿndyo^a jaa, nc'oomñê ñ'eⁿndyo['].

*Nn'aⁿ na tyolayu' tsjoom Filipos tyoteijndeina
Pablo*

¹⁰ Mañequiaa Ta Jesús na neiⁿya na cwijaañjoom'nnda' n'om'yo' ja. Nchii na matsjoo na jndä tsuu' n'om'yo' ja, cwe' na tîcju'naaⁿñena' na nntejindei'ti'yo' ja. ¹¹ Nchii matsjoo na luala' ee na matseitjoona' ja nc'e jndä ljeii'na' na cwiljoya ts'ooⁿ aa maleiñ'onya oo aa tjaan'aⁿ. ¹² Ee jndä ljeii'na' chiuu waa na m'aaⁿya ee quitjoⁿya na matseitjoona' ja, ndo' quia waa maya na maleiñ'ooⁿ. Jndä sei'nōⁿyaya na c'ooⁿya na neiⁿya meiⁿquia na matjoⁿ, meiiⁿ na aa tcwaa'a, meiiⁿ ticwa'a, meiiⁿ na ma'ndiina' l'ooⁿ, oo meiiⁿ na matseitjoona'. ¹³ Cha'tso cwicandäa mats'aa nc'e najndeii nquii Cristo. ¹⁴ Saq jeeⁿ xcwe l'a'yo' na teijndei'yo' cantyja na matseitjoona' ja.

¹⁵ Quia na jluii'a ts'ondaa Macedonia na to'a na mañequia ñ'oom naya na macwji'n'maaⁿñe Ty'oots'om nn'aⁿ, macanda 'o tmaaⁿ' nn'aⁿ na macwji' Ty'oots'om cwentaaⁿ'aⁿ na m'aⁿyo' Filipos jla'cwanom'yo' tsjo'ñjeeⁿ na teijndei'yo' ja na jndu'yo' na quianl'uaa' Ty'oots'om na teijndeii ñ'oom'ñeeⁿ 'o. ¹⁶ Ndo' mati quia tyom'aaⁿya Tesalónica nchii cwe' ñejom ndii' jla'cwanom'yo' tsjo'ñjeeⁿ na teijndei'yo' ja 'naⁿ na matseitjoona' ja. ¹⁷ Saq nchii cwe' ñequii'chenⁿ na m'aaⁿ ts'ooⁿ cantyja 'naaⁿ s'om na maco'ñooⁿ. Ja l'ue ts'ooⁿ nleijndyeti naya 'naⁿyo' na cwileiwe jo nnom Ty'oots'om. ¹⁸ Jndä to'ñooⁿya cha'tso na jla'cwanom'yo' hasta waljoo'cheⁿ jndye to'ñooⁿya. Cantyja 'naaⁿ joo s'om na jla'cwanom'yo' ñequio l'ooⁿ Epafrodito, jeeⁿ tinc'uaa' l'a'yo'. Juu jo' matseijomna' cha'cwijom jndyee' tsioom suu

na jeeⁿ cachi ntyjii Ty'oots'om, ¹⁹ Ndo' nquii Ty'oots'omya nc'e Cristo Jesús nñequiaaⁿ cha'tsoti na macaⁿna' 'o cantyjati na matseixmaaⁿ na tjacyntyja na tyañê. ²⁰ Ñequii'cheⁿ caluiit'maⁿñe Ty'oots'om na nqueⁿ Tsotyäaya. Caluii na ljo'.

Xmaⁿndyo' na cha'tsondyo'

²¹ Cantyja 'naⁿya candu'yo' na xmaⁿndye cha'tso nn'aⁿ na cwila'xmaⁿna tmaaⁿ! cwentaa' Ty'oots'om nc'e m'aⁿna cantyja 'naaⁿ! Jesucristo. Joo nn'aⁿ na cwila'yu' na m'aⁿ ljooñe ñ'eⁿndyo cwila'cwanomna na xmaⁿndyo'. ²² Mati cha'tsondye nn'aⁿ na la'xmaⁿna tmaaⁿ! cwentaa' Ty'oots'om cwila'cwanomna na xmaⁿndyo', majndeitiichen nn'aⁿ na cwindye'ntjomna nnom tsaⁿmats'iaaⁿt'maⁿ tsjoom Roma.

²³ Juu naya na matseixmaⁿ Ta Jesucristo cwen-taaya, c'oomna' ñ'eⁿ cha'tsondyo' 'o.

**Ñ'oom xco na tqueⁿ ty'oots'om cantxja 'naa'
Jesucristo
New Testament in Amuzgo, Guerrero
(MX:amu:Amuzgo, Guerrero)**

copyright © 1999 Wycliffe Bible Translators, Inc.

Language: Amuzgo, Guerrero

Translation by: Wycliffe Bible Translators, Inc.

Amuzgo, Guerrero

amu

Mexico

Copyright Information

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Amuzgo, Guerrero

© 1999, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.
Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

2014-04-21

PDF generated using Haiola and XeLaTeX on 11 Nov 2022 from source files
dated 29 Jan 2022
f19bf10d-b9f4-54f8-aa78-06ee36e6a7cd